

အဝိဂါး-အဝိဂါး

AWIG - AWIG

၇မာတေ အမာတေ ပာဏ္ဍိ ကျေးရွာ

DESA ADAT PANDE KUSAMBA



နီယာယာနီ သာသနာ

KECAMATAN DAWAN

နာယုပာယာနီ သာသနာ ဖိလ္လာတီ ၁၉၁၁ နွဲ့ကျော်

KABUPATEN DAERAH TINGKAT II KLUNGKUNG

MURDHA CITTA

Om Swastyastu

Saking asung kertha wara nugrahan Ida Sang Hyang Widhi Wasa, prasida kasurat Awig-awig Desa Adat pande, Kecamatan Dawan, kabupaten Klungkung, melarapan antuk ingkup pararem saha kayun suci nirmala.

Awig-awig puniki gumanti pinaka pamikukuh lan maka uger-uger pamargi sajeroning midabdabin kalih nyanggra kasukhertan jagat rawuhing krama, warga Desa Adat Pnde.

Sajawaning dharma praweti ngrajegang Sang Hyang Aji Agama, Awig-awig Desa Adat Pande taler kapikukuhin antuk Pancasila, Undang-Undang Dasar 1945 muah sahananing uger-uger sane kawedarang olih Guru Wisesa. Sami punika nenten kalempasin antuk daging awig-awig puniki.

Dumogi sahananing pikayun sane becik tur utama rawuh saking dik dasa desa, amakane wastu siddha mikolihang kasukerthan manut petitis.

Om Shanti, Shanti, Shanti Om

PIDAGING MAKA BANTANG AWIG-AWIG DESA ADAT

MURDHA CITTA	i
PIDAGING MAKA BANTANG AWIG-AWIG DESA ADAT	ii
PRATHAMAS SARGAH : ARAN LAN WAWIDANGAN DESA	1
DWITYAS SARGAH : PATITIS LAN PAMIKUKUH	1
TRITYAS SARGAH : SUKERTA TATA PAKRAMAN	1
Palet 1 Indik Krama	1
Palet 2 Indik Prajuru Desa	6
Palet 3 Indik Kulkul	8
Palet 4 Indik Paruman	9
Palet 5 Indik Druwen Desa	9
Palet 6 Indik Sukerta Pamitegep	10
Kaping 1 Karang Tegal lan Carik	10
Kaping 2 Kakayonan	11
Kaping 3 Wawangunan	12
Kaping 4 Wawalungan	12
Kaping 5 Bhaya lan Dusta	13
Kaping 6 Panyanggran Banjar	14
STATURTAS SARGAH : SUKERTA TATA AGAMA	14
Palet 1 Dewa Yadnya	14
Palet 2 Rsi Yadnya	18
Palet 3 Pitra yadnya	18
Palet 4 manusa Yadnya	20
Palet 5 Bhuta Yadnya	21
ANCAMAS SARGAH : SUKERTA TATA PAWONGAN	21
Palet 1 Pawiwahan	21
Palet 2 Nyapihan	24
Palet 3 Sentana	25
Palet 4 Warisan	26
ADTHAS SARGAH : WICARA LAN PAMIDANDA	28
Palet 1 Wicara	28
Palet 2 Pamidanda	29
APTAMAS SARGAH : NGUWAH-NGUWAHIN AWIG-AWIG	30
ASTHAMAS SARGAH : SAMAPTA	30

**PRATHAMAS SARGAH
ARAN LAN WAWIDANGAN DESA**

Pawos 1

- (1) Desa Adat puniki mawasta Desa Adat Pande.
- (2) Jebar kakuwuban wawidanannyane mawates nyatur luire :
- ha. Sisih Kaler : bangket/Subak Sampalan.
 - na. Sisih Kangin : Desa Adat Gede Kusamba.
 - ca. Sisih Kelod : Segara.
 - ra. Sisih kauh : Desa Adat Sangging.

Pawos 2

- (1) Desa Adat puniki wantah dados abanjar inggih punika Banjar Pande.

**DWTYAS SARGAH
PATITIS LAN PAMIKUKUH**

Pawos 3

Awig-awig puniki ngmanggehang pamikukuh minakadi :

- ha. Pancasila
- na. Undang-Undang dasar 1945.
- ca. Tri Hita karana manut sadacara Agama Hindu

Pawos 4

Patitis Desa Adat Pande puniki sekadi ring sor :

- ha mikukuhin kalih ngerajegang adat lan agama.
- na. Ngutamayang tata prawertining magama.
- ca. Ngrajegang kasukertan desa, saha pawongannyane sekala lan niskala.

**TRITYAS SARGAH
SUKERTA TATA PAKRAMAN**

Palet 1

Indik Krama

Pawos 5

- (1) Sane kabawos warga Desa Adat Pande inggih punika, warga sane magama Hindu sane jumenek ring wawidangan Desa Adat pande, tur satinut ring Awig-awig Desa Adat pande.

- (2) Sane kabawos krama Desa Adat Pande inggih punika, warga Desa Adat sane sampun alaki rabi, ngamong wiadin tan ngamong karang desa, saha ngempon wiadin nyiwi Kahyangan Tiga amongan Desa Adat pande.
- (3) Warga wed saking Desa Adat Pande sane magenah ring dura desa, manggeh kantun makrama desa sajaba wenten pemargi siosan.
- (4) Sajabaning sane kaucap ring ajeng sinanggeh tamiu.

Pawos 6

- (1) Warga Desa Adat Pande sane sampun mayusa sanistania pitulas warsa (17 tahun) sadurung alaki rabi, kasinanggeh teruna-teruni patut ngamiletin Sekaa Teruna ring banjarnyane.
- (2) Sekaa Teruna inucap sajaba kaenter olih kelihannyane, taler katuntun olih prajuru banjar rauhing prajuru desa.

Pawos 7

Krama Desa Adat pande, kapalih sakadi ring sor :

- ha. Krama desa ngarep, krama desa sane sampun alaki rabi lan sampun bulangkep ngamargiang sesana, sane magenah ring sawengkon Desa Adat pande wiadin ring dura desa.
- na. Krama patus inggih punika, krama desa sane balu luh wiadin balu muani sane majalaran antuk nyapihan wiadin sinalih tunggil katinggal lampus, sane nahenin mapatus ngarep, wiadin sane balu luh sampun madrue pianak muani sane sampun keni basa wirang (17 warsa), sapunika taler balu muani sane sampun madrue oka deha.

Pawos 8

Panamaya tedun makrama desa :

- ha. warga sampun kabawos tedun makrama desa yening sampun tedun mebanjar.
- na. warga sane tedun dados krama banjar saurah-arih pamarginnyane manut pararem banjar.
- ca. Warga dura desa nyentana ring wawengkon Desa Adat Pande patut tedun makrama banjar.
- ra. Prade wenten warga saking dura desa agama Hindu jumenek ring Desa Adat Pande, lintangan ring petang dasa kalih rahina (42 hari) tur sampun alaki rabi patut katerag mangda tedun mekrama banjar manut perarem.

Pawos 9

Swadharmaning Krama lan Warga Desa :

- ha. Satinut ring sadaging awig-awig lan pararem desa.
- na. Tan maren ngutsahayang, ngarajegang saha nyungkemin pasukertan ring Desa Adat Pande.
- ca. Ngamargiang sahananing pituduh Guru Wisesa lan prajuru desa manut awig-awig kalih pararem desa.

Pawos 10

- (1) Ayah-ayahan krama desa sekadi ring sor :
 - ha. Krama ngarep ngamargiang ayah-ayahan manut pararem.
- (2) Warga sane siosan patut ngamargiang ayah-ayahan manut pararem.

Pawos 11

- (1) Wedal-wedalan lan paturunan krama luire :
 - ha. Krama ngarep keni papeson miwah paturunan weweg.
 - na. Krama tiosan keni papeson lan paturunan manut pararem.
- (2) Papatusan krama banjar inggih punika :
 - Ha. Patus karya.
 - na. Patus weweg.
 - ca. Patus artha berana lan beras.

Pawos 12

- (1) Sane kabawos tamiu, jadma saking dura desa sane wenten ring wawidangan Desa Adat Pande malarapan antuk :
 - ha. Malelungan
 - na. Masundulang raga
 - ca. Sasudian Desa wiadin Guru Wisesa.
 - ra. Kadang warga sinalih tunggil krama desa.
- (2) Krama utawi warga Desa sane ngaraksa tamiu jantos marerepan patut mangda masadok ring Kelihan banjarnia tan kasepan ring awengi
- (3) Swadharmaning tamiu patut sanitut ring pamargin Awig-awig lan pararem sane kamanggehang ring desa Adat Pande.

- (4) Tamiu sane madunungan ring wawidangan Desa Adat pande majalaran antuk sungkan gumanti mabuat ngereteh tamba, tan keni urah-arih kadi mungguh ring ajeng.
- (5) Yening sane rumaga tamiu sampun ninutin pamargi sakadi kabewos ring ajeng, patut polih pangayoman saking banjar wiadin desa.
- (6) Prade wenten tamiu sane madunungan ring sinalih tinggil krama, wiadin warga Desa Adat Pande, malaksana kawon, sane kadunungan patut rupeksa, tur warga sane kadunungan ketiwakin danda manut pararem.

Pawos 13

- (1) Prade wenten sinalih tunggil krama makahayun magingsir mabanjar saking Desa Adat Pande, patut nganutin pamargi sakadi ring sor :
 - ha. Muputang urah-arih paiketannyane ring banjar sane katinggalin;
 - na. Polih ilikita pastika saha kaateh olih kelihan Banjarnia ka banjar sane kaungsi;
 - ca. Kasaksinin miwah kasadokang olih para Kelihan Banjar inucap ring Bendesa Adat.
- 2) Krama sane dados magingsir mabanjar, wantah sane majalaran antuk ngayahang karang ring wawengkon banjar sane kaungsi.
- 3) Yan tan nganutin bawos ring ajeng, krama inucap tan kalugra megingsir saking banjar inucap tur keni pamidanda manut pararem.
- 4) Krama sane ngayahang karang desa ring banjar Pande patut tedun mabanjar ring banjar Pande.

Pawos 14

- 1) Wusan dados krama desa :
 - ha. Nyada manut jalarannyane manut pararem.
 - na. Matilar saking Desa Adat Pande sangkaning pinunasnyane wusan madesa adat tur manut daging pararem.
 - ca. Kausanang antuk krama desa wiadin banjar wit saking tan nganutin pamargin awig-awig lan pararem Desa Adat Pande.
- 2) Kausanang ngawit saking pamutus paruman prajuru banjar lan prajuru desa, pamutus inucap kadauhang ring sang kausanang.
- 3) Sane sampun wusan makrama desa tan polih pah-pahan druwen banjar utawi desa.

Pawos 15

- (1) Yening wenten krama wusannyane saking rahayu memanah jagi mekrama Desa Adat malih, patut keterima manut pararem.
- (2) Yening wenten krama wusannyane sangkaning kanorayang, mamanan malih pacang mawali makrama banjar lan desa, patut nawur panutug manut pararem.
- (3) Krama inucap patut nunas pangampura ring paruman banjar wiadin desa.

Pawos 16

Krama Desa Adat patut :

- Ha. Polih pangayoman saking prajuru lan krama desa indik karahajengan pawongan mwan padruweannia.
- Na. Polih pitulung utawi pangaremba rikala katiben bhaya, pakewuh wiadin kaduhkitan, taler rikala madrebe karya abot, pamekas rikala ngaun yadnya.
- Ca. Patut nyarengin paruman desa lan banjar tur sareng mastikayang daging pamutus paruman.
- Ra. Wenang nyudi lan kasudi pinaka prajuru mwan sane siosan.
- Ka. Kadadosang mopog manut daging pararem.
- Da. Polih puwangkidan manut daging pararem rikala :
 1. Katiben sungkan utawi bhaya, kasedaan sinalih tunggil kulawargannia.
 2. Ngamargiang yadnya sane jantos ngaturin krama.
 3. Ngarawuhin undangan saking sinalih tunggil krama utawi ka dura desa.
 4. Ngamargiang titah Guru Wisesa.
 5. Ngalaksanayang yadnya sinarengan ring yadnya sane kalaksanayang ring Desa.

Pawos 17

- (1) Sane kangkat polih laluputan papeson luire :
 - Ha. Pamangku Desa.
 - Na. Prajuru Desa, Prajuru banjar manut pararem.
 - Ca. Krama desa sane kasudi olih prajuru desa ngaremba karya desa manut pararem.
- (2) Ageng alit laluputan inucap kamanggehang olih prajuru desa manut swadharmaning sang polih laluputan manut pararem.

Palet 2
Indik Prajuru Desa
Pawos 18

- (1) Desa adat Pande kaenter olih Bendesa Adat tur kasanggra olih :
- ha. Petajuh Bendesa Adat.
 - na. Panyarikan.
 - ca. Patengen.
 - ra. Kasinoman.
 - ka. Pamangku Desa.
 - da. Pecalang.
- (2) Prajuru Desa Adat kategepin utawi karembe antuk Sabha desa lan Krtha Desa.
- (3) Banjar kaenter antuk prajuru banjar.
- (4) Ngeninin indik urah-arih Sabha Desa lan Krtha Desa manut pararem.

Pawos 19

- 1) Sane kangkat kasudi dados prajuru desa wantah warga sane sampun makrama desa.
-) Sadurung sasudian kamargiang sang jaga kasudi patut katitenin olih kelian banjar.
-) Prajuru desa kasudi olih krama desa sajeroning paruman desa.
-) Pamargin panyudiane manut ilikita wiadin manut pararem.
-) Prajuru banjar kasudi olih krama banjar, lan pamargin panyudiannyane manut pararem krama banjar Pande.

Pawos 20

- eng dados prajuru desa wiadin banjar sakadi ring sor :
- Prajuru desa lan prajuru banjar ngaturang ayah mawaneng limang warsa ngawit kadegang.
 - Tigang sasih sedurung sengker ayah prajuru desa telas, patut ngerauhang sewala patra nunas mepamit usan dados prajuru desa.
 - Prajuru desa lan prajuru banjar sane sampun puput sengker kangkat kasudi malih apasin.

Pawos 21

Swadharmaning prajuru desa luire :

- ha. Ngenter krama desa ngemargiang swadharmaning krama manut daging awig-awig lan pararem.
- na. Niwakang pamutus wiadin pawirasan marep ring wicaran krama desa manut daging awig-awig.
- ca. Ngenterang sahananing yadnya ring desa.
- ra. Pinaka dhuta ritatkala wenten uleman saking dura desa, muang guru wisesa.
- ka. Mikukhin kalih ngarajegang sahananing druwen desa mangda kantun manggeh.

Pawos 22

Swadharmaning prajuru banjar luire :

- ha. Ngrajegang daging awig-awig lan pararem desa ring banjar.
- na. Kangkat asadu ring kelihan banjar wiadin bendesa yening wenten sinalih tunggil krama banjar piwal ring daging awig-awig.
- ca. Ngutsahayang nyuratang pararem ring banjar sane patut kaanggen titi rikala ngenter warga banjar.

Pawos 23

Prajuru desa wiadin prajuru banjar polih :

- na. Luput papeson lan tategenan.
- na. Patias manut pararem.

Pawos 24

(1) Prajuru kagentosin majalaran antuk :

- ha. Seda.
- na. Pinunas ngaraga tur sampun kalugra antuk paruman desa wiadin paruman banjar.
- ca. Tan prasidha ngamargiang swadharmaning prajuru santukan sungkan rahat wiadin pialang abot sane siosan.
- ra. Kanorayang dwaning iwang pamargi niiar sasaning prajuru.

(2) Ngentosin wiadin ngarariyanang prajuru patut kamargiang sajeroning paruman desa wiadin paruman banjar.

Palet
Indik Kukul
Pawos 25

- (1) Kukul sane wenten ring wawidangan Desa Adat Pande luire :
- ha. Kukul Desa Adat
 - na. Banjar.
 - ca. Kukul ring Pura Desa.
 - ra. Kukul ring pura dadia.
 - ka. Kukul Sekaa Teruna-teruni.
- (2) Suaran kukul inucap kasinanggeh tatenger ring desa, banjar, puara lan sekaa-sekaa satmaka dadauhan saking prajuru majeng ring kramannyane soang-soang.
- 3) Pamargi sane patut macihna suaran kukul luire :
- ha. Pacang parum.
 - na. Pacang tedun makarya.
 - ca. Pacang mapitulung ring sang kasedaan
 - ra. Ritatkala wenten keni baya.
 - ka. Pamargin upacara ring pura.
 - ta. Ngawit lan ngalebar catur brata penyepian.
- Tabuh tatepekan soang-soang kukul inucap ring ajeng, pastika manut ring pabuatnyane tur manut ring pasubayan krama.
- Sane kapatut nyuarayang kukul wantah prajuru desa, prajuru banjar wiadin sang kapituduh olih prajuru manut pabuatnyane
- Sapasira ugi nyuaranyang kukul tan sangkaning pituduh prajuru, patut keni pamidanda manut pararem, sawawaning rikala wenten baya wiadin rikala kangrupukan.
- Papalihan tatepekan kukul ring Desa Adat Pande luire :
- a. Pacang parum, kalih tuludan panjang.
 - a. Pacang tedun makarya, kalih tuludan panjang.
 - a. Pacang mapitulung ring kesedaan kalih tuludan panjang.
 - l. Pawiwahan, tigang tuludan cendet.
 - l. Keni baya marupa amuk lan maling, atuludan bulus.
 - l. Baya sane lianan, bulus panjang.
 - Upacara ring pura, ngempang.
 - Ngawit brata lan nglebar panyepian, atuludan panjang.

Palet 4

Indik Paruman

Pawos 26

- (1) Bendesa adat wenang maumang prajuru desa adat, prajuru banjar miwah para pamangku sami, jagi matetimbang ritatkala wenten karyan desa adat sane pacang kasanggra saking krama desa sami.
- (2) Paruman desa Adat Pande kamargiang sanistania ngawarsa apisan.
- (3) Ring sajeroning paruman desa adat mangda pamilet paruman ngangge busana manut tata cara sane sampun ketah sekadi busana adat alit.
- (4) Paruman prajuru desa adat prasida kalaksanayang yening sampun karawuhin olih sanistania atenge lintang adiri saking akeh prajuru desa.
- 5) Paruman banjar prasida kalaksanayang yening sampun karawuhin olih sanistania atenga lintang adiri saking akeh krama banjar.

Pawos 27

- 1) Ring paruman desa wiadin banjar, prajuru desa wiadin prajuru banjar patut nambiyakang :
 - ha. Munjuk lungsuring krama muah ayah-ayahan.
 - na. Saluiring artha brana druwen desa wiadin banjar.
 - ca. Indik pamargin karya sane sampun kapuputang
 - ra. Sahananing wicara sane sampun polih pamutus.
 - ka. Pidabdab prajuru ngeninin indik usaha kapungkur.
-) Ritatkala mutusang bawos ring paruman mangda kadasarin antuk kayun gilik saguluk wiadin ingkup.

Palet 5

Indik Druwen Desa

Pawos 28

te kabawos druwen Desa Adat pande inggih punika :

Pura wiadin Kahyangan Desa, mekadi :

1. Pura Puseh lan Bale Agung.
2. Pura Dalem Setra.

Setra wenten ring sawawidangan desa adat utawi sane kaempon antuk krama desa makadi :

1. Setra sane magenah ring sisi kelod saluiring tanah desa sekadi tanah PKD, tanah Ayahan Desa (AYDS), tegal.

- ra. Tanah linggih pura, tegak banjar saha wangunannyane, rurung wiadin margi ring sajeroning Desa Adat Pande.
- ka. Lembaga Perkreditan Desa (LPD) Desa Adat Pande, tanah saha wewangunannyane.
- da. Druwen desa siosan sane kapikolihang salanturipun.

Pawos 29

- (1) Sahananing druwen desa patut kapiara olih krama desa.
- (2) Sahananing druwen desa patut kapastikayang antuk ilikita
- (3) Saurah-arih ngeninin indik LPD, kaunggahang ring lepihan ilikita pararem Desa Adat Pande.
- (4) Druwen desa sekadi Pura Puseh, Dalem lan bale Agung.

Palet 6

Indik Sukerta Pamitegep

Kaping 1

Karang, Tegal lan Carik

Pawos 30

- (1) Sakaluring karang paumahan miwah teba patut mawates antuk tembok sanistania pagehan.
- (2) Wates sisi kaler miwah kangin patut kakaryanin tur kapiara olih sang madruwe karang, reh punika mawasta gegaleng.
- (3) Yening sampun pada arsa sang madruwe karang kamanah watese nglikadin, wates punika dados nganggen pinget kewanen kasaksinin olih prajuru banjar.
- (4) Watese sane majeng ka margine patut katembok wiadin kapagehin mangda kawentenanipun renes miwah asri.
- (5) Yening wenten sinalih tunggil karama utawi warga desa mamanah ngiid tanah, kangkat kantos adepa agung (1,75 meter) saking wates karang panyanding.

Pawos 31

- 1) Sajawaning toyan sabeh, nenten dados ngembahang toya mawit saking blembeng bawi, pwaregan, kamar mandi miwah sane siosan sane ngawetuang ambu kawon ka pakarangan anak lian, ka margine, ka rurunge lan ka tukde.
- 2) Tan dados ngentungan leluhu sakaluiripun ka pakarangan anak lian, ka margine lan ka egot wiadin ka tukade.

- (3) Yening wenten jadma mayudha kantos ngalabuhang rah wiadin padem ring wawengkon Desa Adat Pande, kapatutang ipun utawi kulawargan ipun patut mrayascita genah punika.

Pawos 32

- (1) Sapasira ugi nenten dados nglahlah tanah pekarangan, tegal padrebenan anak siosan, napi malih sane kantun kadruwe antuk desa sakadi wawidangan kahyangan, setra, mari miwah sane siosan.
- (2) Nanggap lan matimbalang karang ayahan desa kapidabdabin sakadi ring sor :
- ha. Sahananing karang desa sane sampun katanggap tur kaayahang antuk krama desa patut kagenahin antuk sang ngayahang.
 - na. Yening wenten karang ayahan sane tan kagenahin tan katanggap tur tan wenten sane ngayahang patut kadruwe antuk desa.
 - ca. Krama ngarep sane pacang matimbalang karang patut polih uwak-uwakan saking warisnyane tur kasaksinin olih prajuru desa.
 - ra. Krama desa tan dados ngadeang napi malih ngadol karang ayahan desa wiadin PKD.

Kaping 2

Indik Kakayonan

Pawos 33

- 1) Matanduran tanem tuwuh sane pacang dados ageng patut sanistania adhepa agung (1,75 meter) saking wates karang, mangda tan ngrebrebin wiadin mayanin ka pisaga panyanding.
- 2) Prade wenten tanem tuwuh sane ngrebrebin utawi kasinanggeh pacang mayanin ka pisaga wenang kewaramadasar paigum sane becik mangda kakayonan punika digelis karebah wiadin kaentebin.
- 3) Yening sampun kawara sekadi inucap ring ajeng sane nerebenang tan satinut utawi tan wenten usaha nagingin pinunas sane ngawara, sane rumasa ajerih pacang kabayanin patut nyadokang ring prajuru banjar wiadin desa.
- 4) Sajawaning pura, saluiring umah ring pabianan tan dados ngamargiang pangepet duaning sane mawasta umah kabawos tan patut magenah ring abian.
- 5) Prabean mungkatang taru kasandingin antuk sane ngepet, nanging sakaluiring taru sane sampun kaepet katiba ring sang nrebenang.
- 6) Tanem tuwuh sane wenang kaepet sakadi ring sor :

ha. Tumbuh nyane kirang ring adhepa agung saking wates utawi tembok sang ngepet.

na. Taru karasayang pacang ngarahang baya manut penarka saking prajuru banjar wiadin desa yadiastun tumbuh langkung ring adhepa agung saking tembok pakarangan.

) Yening wenten wit taru ngerubuhin papayon, puara miwah sane siosan, taru sane pungkut patut katiba ring sane nerbenang papayon sane kerebahin.

) Yening wenten krama ngepet wiadin munggul taru kantos ngametuang baya ring paumahan krama panyanding, prabea kausakan baya punika katanggung olih sane nundung taru punika.

) Sang madrebe wit taru patut keepet wiadin kapunggul, tan dados nulak pamargi deresta sane sampun kasungkemin.

) Tan dados ngepet taru ring karang duwe desa, sadurung polih pituduh lan uwak-uwakan saking prajuru desa adat.

Kaping 3

Indik Wewangunan

Pawos 34

) Sapasira ugi pacang ngawangun kahusahayang mangda nganutin Asta Bhumi miwah gegulak Asta Kosali.

) Tan kadadosang makarya wawangunan ngerebrebin wiadin nyapcap ka pisaga, ka rurunge miwah ka margine agung.

) Prade kantos wenten wangunane tan manut ring kecaping kaping kalih (2) wenang kawara olih sane ngewara sakadi pisaga panyanding utawi prajuru banjar lan desa.

) Sahananing barang sane pacang kaanggen ngawangun, tan dados magenah ring rurung miwah margi langkungan ring arahina. Sejaba wenten uwak-uwakan saking prajuru Desa.

) Sajawaning sane magama Hindu tan kapatutang ngawangun genah sembahyang ring Desa Adat Pande, sadurung polih uwak-uwakan saking prajuru desa.

Kaping 4

Indik Wewalungan

Pawos 35

(1) Warga desa Adat pande sane miara wewalungan patut sayaga nitenin wewalungannyane minakadi : negul. Nglogor mangda nenten ngarusak karang wiadin pabianan anak sios.

- (2) Prade wenten wewalungan malumbar wastu ngarusak pakarangan lan pabianan risampun kapalungguhang utawi polih kawara, kengin kataban salanturnia kasadokang ring prajuru.
- (3) Prade wenten wewalungan ngaletihin genah suci risampun kaparitas olih prajuru, sane nerbenang patut keni pamidanda saha ngupakara genah suci inucap manut pararem.
- (4) Tan kawenang ngangonang wiyadin negulang wawalungan ring genah sakadi ring sor :
 - ha. Telajakan kahyangan utawi banjar.
 - na. Genah rawuhing pekarangan wewangunan desa.
 - ca. Margi lan ruring-ruring.
 - ra. Setra lan genah druwen desa.
- (5) Sapasira ugi tan kapatutang meburu wiadin mademang paksi ring pangeleban ring wawidangan Desa Adat Pande, sang maurug keni pamidanda sejawaning polih uwak-uwakan saking desa manut perarem.

Kaping 5

Indik Bhaya Lan Dusta

Pawos 36

- (1) Sahananing laksana sane tan rahayu sane pacang ngawetuang pakobet, duhkita, duskertha ring warga utawi krama kasinanggeh bhaya.
- (2) Sane kasinanggeh bhaya luire :
 - ha. Ripu bhaya : kaamuk, kabaak, kaplagandang.
 - na. Core bhaya : kamalingan, karampok.
 - ca. Geni bhaya : kapuwunan.
 - ra. Toya bhaya : blabar, gentus.
 - ka. Bhayu bhaya : angin linus.
 - da. Pertiwi bhaya : tanah longsor.

Pawos 37

- (1) Sahananing warga desa sane katiben bhaya patut digelis matur supeksa ring prajuru utawi ring guru wisesa.
- (2) Sahananing warga desa sane uning ring wenten jadm sane malaksana dusta, wiadin sane mayanin patut digelis masadok ring prajuru banjar utawi prajuru desa muah Guru Wisesa.

- (3) Yening wenten jadma katiben bhaya, sang katiben bhaya wenang digelis nyuarayang kulkul, maka piuning ring krama siosan sane pacang mapitulung.
- (4) Sahananing warga desa patut sayaga matatulung ring sane keni bhaya saha makta piranti manut pebuatan.

Pawos 38

- 1) Ritatkala pacang masaserep utawi ngaledah prade kamalingan patut nunas panguwak riin ring prajuru banjar utawi desa.
- 2) Masaserep ring sios banjar utawi desa patut kaenter olih prajuru banjar utawi desa kasarengin antuk Guru Wisesa muah prajuru banjar lan prajuru desa saking genahe maseserep.
- 3) Prajuru patut nuntun mangda pamargin saserepe nenten ngawinang duhkita.

Kaping 6

Indik Panyanggran banjar

Pawos 39

Ritatkala wenten krama banjar pacang ngawentenang karya luire : Dewa Yadnya, manusa Yadnya, Pitra Yadnya miwah karya sane siosan, krama punika dados nganggen padruwen banjar, saha prabotan taler kapatutang polih pangremba saking banjar manut pinunas sang adue karya.

Pamargin panyanggran banjar majeng ring sang madue karya, kapidabdabin manut pararem banjar.

**CATURTHAS SARGAH
SUKERTA TATA AGAMA**

Palet 1

Indik Dewa yadnya

Pawos 40

Pura-pura sane wenten ring wawengkon desa Adta Pande luire.

- a. Pura kahyangan Tiga, Puseh, Bale Agung, lan Dalem.
- a. Pura Dadiya lan Paibon.

Pura Puseh lan bale Agung kaemong tur kasungsung olih sahananing krama desa Adat pande manut dresta. Pura-pura sane siosan kaemong, kasungsung lan upaaci manut dresta olih pangemponnia soang-soang.

Pawos 41

- (1) Rikala ngaturang pangodal ring Pura Puseh, Bale Agung, lan Dalem krama Desa patut keni saurah-arih aci pangodal, sawawaning prajuru desa, prajuru banjar, muang krama desa sane polih laluputan manut parareman Banjar lan Desa.
- (2) Ritatkala Ida Bhatara Puseh lan Bale Agung makiyis ka segara, sahananing krama Desa Adat pande mangda sareng ngiring, indik sane nyanggra Ida Bhatara wantah krama Banjar Pande.
- (3) Ritatkala Ida Bhatara nyejer ring Pura Puseh, Dalem, lan Bale Agung, sahananing krama mangde ngaturang bhakti, sejawaning sang kecuntakaan utawi kesebelan.

Pawos 42

- (1) Sehananing Krama Desa patut nureksain mangda kesukertan kalih kesucian Pura sane wenten ring sawewengkoning Desa Adat Pande tan keletehan.
- (2) Sane tan kalugra ngeranjing ke pura sekadi ring sor :
 - ha. Anak istri ngeraja (kotor kain).
 - na. Anak istri mederuwe oka sadurung mayusa enem sasih (aoton) sane lanang okane sampun mayusa 12 rahina.
 - ca. Yening wenten anak alit seda sadurung kepus odel biyang lan ajine kalugra ngeranjing ke pura, sasampune okane mayusa petang dasa kalih rahina (42 hari), krama banjar sesampune anak alik mayusa solas rahina (11 hari).
 - ra. Cuntaka meduwe anak seda sampun ketus untu suwenipun tigang rahina (3 hari).
 - ka. Wong edan (jasma buduh).
 - da. Nenten ngangge busana adat manut tatujonia, siwosan ring Agama Hindu, keangkat ngangge selempot (anteng) manut pararem.
 - ta. Wewalungan suku pat, sejawaning kanggen muputang yadnya manut pararem.Ring sajeroning pura tan kalugra melaksana sekadi ring sor :
 - ha. Mecikang wastra, sejawaning sulinggih, mepetet, mepusung, mekutu, nyecepin anak alit, muang senunggilanipun.
 - na. Mesumpah nahar cor, sejawaning indike punika sampun pamutus pararem.
 - ca. Maujar ala.
 - ra. Mejajal, merebat, punapi malih ngantos medal rah.
 - a. Mekaratan, mewarih sejawaning anak alit.
 - la. Sirep awor lanang istri miwah sane siwosan napi malih masanggama.

(4) Yening wenten jadma ngeletehin kayangan

ha. Patut keni pamidanda/parscita, ring rahina punika yening nenten mresidayang pidandane maweweh antuk pecaruan manut pararem

(5) Yening wenten kayangan kadurmengalaan sekadi ring sor

ha. Karubuhan taru, karusak angin linus, kahanan wangke, keranjingan wong edan, linuh, sato agung, kehanan lulut, kedilah geni, pretima karusak maling, muah sane sowosan, wenang kepahayu antuk banten pemerascitaan manut sastra agama.

Pawos 43

(1) Satunggil Galungan utawi yadnya siwosan manut kabuatang krama Desa Adat Pande patut memenjor.

(2) Nancebang penjor kemanggehang ring margi desa, magenah ring ulunin lebu.

(3) Sang sapisira ugi ngarusak utawi nyabut penjor sadurung tutug sengker wigunannyane patut keni pamidanda manut pararem.

(4) Yening sampun tutug sengker wigunannyane, sang madue penjor patut nyabut penjornyane soang-soang, sengker ipun tigang dasa lima rahine (35 hari).

Pawos 44

1) Ring soang-soang Kahyangan Desa Adat Pande patut ngadegang pamangku.

2) Tata cara ngadegang pamangku dudonnyane sakadi ring sor :

ha. Mawiwit saking katurunan pamangku.

na. Malantaran antuk pamargi nyanjan.

ca. Malarapan sasudian olih krama desa adat utawi olih pangemong pura.

3) Tata cara ngadegang pamangku desa sakadi ring sor :

ha. Mawiwit saking katurunan pamangku.

na. Sahanan urah-arip pawintenan patut kasanggra olih krama desa.

4) Sane tan kawenang dados pamangku luire :

ha. Sane kahanan cedangga.

na. Sane amumpang laku.

ca. Sane tan kararemin olih krama panyungsung kadasarin antuk samudana sane pastika.

Pawos 45

Swadarmaning pamangku luire :

ha. Asewaka dharma, astiti bhakti ring Ida sang Hyang Widhi.

- na. Ngenterang, ngastawayang sahanan upakara utawi upacara ring pura genah ngayah soang-soang.
 - ca. Ngastawayang ritatkala wenten krama pacang ngaturang punia, utawi nunas karahajengan ring pura.
- (1) Ritatkala ngenter yadnya utawi piodalan ring Pura Kahyangan Tiga pamangku desa inucap patut :
- ha. Pinaka pangenter ring puara.
 - na. Patut polih pangremba saking pamangku-pamangku sane siosan, lan pengayah.
- (2) Prade jro mangku ngarep kapiambeng, tan prasida ngamargiang upacara ring pura, patut upacara punika kamargiang olih pamangku sane linggihnia sawawa utawi pamangku sane kacawis olih prajuru desa, utawi kelugrayang nuur sang sulinggih.

Pawos 46

asukertan pamangku kamanggehang sakadi ring sor :

Krama desa muang pamangku desa, sami pada ngutsahayang mangda pamangku desane tan keni ujar ala, saha jro mangku nenten nglempasin swadharmaning pamangku.

Prade wenten pamangku desa piwal ring sesana nyasar laku wenang lumaksana nyepuh raga ngangge prabea soang-soang sasampune kebawosin olih paruman desa.

Prade ageng dosannia, nura cara, lempas ring sasananing pamangku, wenang kausanang olih prajuru desa malarapan antuk paruman desa.

Yening wenten sinalih tunggil krama desa kabukting maujar ala ngaletihin kasician pamangku desa, patut krama inucap keni pamidanda manut pararem saha upacara pamrayascita pamangku inucap manut sastra agama.

Pawos 47

Olih-olihan pamangku luiire :

ha. Polih laluputan manut pararem.

na. Polih pah-pahan sasarini bebanten manut pararem.

Yening pamangku sane lanang seda, tan wenang kependem, pitra yadnyanipun keprebeanin olih desa, wantah upakara kedulu kemanten, sane kteben ketanggung olih keluargan jero mangku.

- (3) Yening wenten jro mangku istri lepas/seda patut polih prebia atenge/setengah ring prebean jro mangku lanang manut pararem.

Pawos 48

Pamangku kagentosin melarapan antuk :

- 1a. Seda
- 1a. Pinunas ngraga sangkaning tan prasida ngamargiang swadarmaning pamangku.
- 2a. Iwang pamargi sane mabuat manut panglokikan paruman.

Palet 2

Indik Resi yadnya

Pawos 49

- (1) Yening wenten krama desa pacang madwijati patut masadok ring prajuru desa, PHDI lan Guru Wisesa. Krama desa adat, krama desa patut ngaturang punia kalih ngarembe karya inucap.
- (2) Prajuru patut nuntun krama desa ngewangiyang muang mukukuhang sang para pandita lan pinandita indik sasana sane manut linggihnia.
- (3) Krama desa sane nunas pamuput yadnya ring Ida Sulinggih patut eling ngaturang punia bakti padaksinan.
- (4) Krama desa patut teleb nunas panugrahan ring ida sang meraga wiku muwah sang sujana manda ksutreptian desane manut kecaping agama prasida kapangguh.

Palet 3

Indik Pitra Yadnya

Pawos 50

- (1) Sahananing upacara pamrateka majeng ring sang seda kabawos pitra yadnya.
- (2) Pidabdab pamargi ngalaksanayang Pitra Yadnya madasar sastra agama, saha tata cara sane sampun ketah kamargiang ring sajeroning Desa Adat pande.

Pawos 51

- (1) Ritatkala sinalih tunggil krama madruwe kesedaan patut mangda masadok ring kelihan banjar.
- (2) Kelihan banjar mangdane nyupeksain rihin padewasan ring jero mangku, wawu nuduhang sapari indik pangupakaran sang seda.
- (3) Pidabdab pamendeman lan ngeseng sawa kamanggehang sakadi ring sor :

- ha. Yening seda sampun ketus untu patut nganutin padewasan pangutangan sawa makadi manut sastra agama manut dresta saha nunas panugrahan ring sang sulinggih.
- na. Yening rare durung ketus untu kalugra mendem premangkin nenten ngantos padewasan.
- ca. Genah mendem lan ngeseng sawa mangda ring setra ugi sajawaning layon sang maraga sulinggih.
- ra. Ritatkala mendem sawa krama banjar mangda ngateh, nyarengin rawuh ring setra, ngantos sawane sampun kapendem.
- ka. Yening sawane pacang kageseng krama banjar ngaremba wiadin nyarengin jantos nganyut.

Pawos 52

Jaguat pamargi pitra yadnya kamanggehang manut dresta sakadi ring sor :

- 1a. Yening sajeroning arahina wenten warga seda, langkungan ring adiri ritatkala pacang mendem patut sinarengan ke setra.
- 1a. Asapunika taler pamargine ritatkala pangutangan ngaben.
- 1a. Ring sang masetra tunggal, yen wenten krama pacang ngentas sawa utawi ngeseng sawa (ngaben), wenten taler sane pacang mendem sawa, patut pamendemane kamargiang rihinan.

Pawos 53

(1) Tan dados mendem sawa utawi makingsan ring geni ritatkala :

ha. Rahina Pasah utawi Dora.

ca. Yening wenten krama maduwe kesedaan nemoning rahina patirtaan ring Pura Desa, mangda petirtaan kemargiang dumun, wus punika wawu upacara pitra yadnya kemargiang.

(2) Yening sawane durung kapendem kapiyang antuk dewasa, wenang krama banjar ngamargiang pagebagan marep ring sang madruwe kesedaan.

(3) yening wenten sinalih tunggal krama kesedaan nemonin purnama, tilem, yening jaga mendem sawa, patut kamargiang sesampuni jro mangku usan ngaturang pasucian ring Kahyangan Tiga.

Pawos 54

(1) bacakan layon sane patut utawi tan patut kaabenang :

ha. Rare sane durung mayusa tigang sasih tan patut kaabenang.

na. Yan sampun mayusa tigang sasih ngantos sadurung ketus tan patut kaabenang, upacarannia kamargiang antuk nglungah.

ca. Sawa sane sampun maketus patut kaabenang maupacara weweg.

2) Yening wenten warga seda tur pacang kaabenang kadadosang ngambil padewasaan sajeroning pitung rahina ngawit sedannia, nanging patut nganutin pituduh sang sulinggih sane pacang muput, tur tan mamurug rahina sane kalarang antuk desa.

3) Jadma salah pati, ngulah pati, yan pacang kaabenang patut kerinin antuk upacara ngulapin kalih panebus, tur matur ring sang sulinggih manut deresta sane sampun memargi ring Desa Adat Pande.

Palet 4

Indik Manusa Yadnya

Pawos 55

1) Manusa Yadnya inggih punika upacara darmaning manusa ngawit saking patemoning kama bang kalawan kama petak sajeroning garbhawasananing ibu jantos sadurung seda riwekas.

2) Upacara Manusa Yadnya luire :

ha. Magedong-gedongan.

na. Tatkala rare wawu embas.

ca. Kepus odel utawi malepas awon.

ra. Tutug akambuhan.

ka. Rare mayusa tigang sasih.

da. Rare mayusa enem sasih utawi aoton, kemargiang antuk dewasa.

ta. Tutug kelih.

sa. Mapandes.

wa. Mawiwaha.

la. Mawinten.

ma. Mapetik.

3) Upacara inucap ring ajeng kalaksanayang nganutin kecap sastra agama nista, madya, utama, saha manut catur derestane.

Palet 5**Indik Bhuta Yadnya****Pawos 56**

- (1) Bhuta Yadnya inggih punika upacara yadnya sane matetujon nyomiyang watek buta kala mangde dados buta hita.
- (2) Tajujon Bhuta Yadnya inggih punika ngulati karahajengan bhuwana agung lan bhuana alit sakala kalawan niskala malarapan antuk kayun suci nirmala nulus, miara muang ngupakara tur ngalanggengang karahajengan sarwa maurip.
- (3) Upacara inucap ring ajeng kelaksanayang manut daging kecap sastra agama, nista madiya utama saha manut sastra deresta.

Pawos 57

- (1) Satunggil Tilem Sasih Kasanga, riwus puput pamargin tawur ring Kabupaten, ring Desa Adat Pande kamargiang pacaruan manut dresta, kalanturang antuk pangrupukan keriinin antuk pemelastian manut perarem.
- (2) Ring rahina panyepian warga desa patut ngamargiang Catur brata Penyejian luire : amati geni, amati karya, amati lalungan, amati lalungan.
- (3) Prade rikala rahina panyepian pura sane patut katuran piodal, pamargin upacara inucap patut nganutin piteket saking PHDI kalih Guru Wisesa.
- (4) Prade wenten krama utawi warga keni kabrebenan sungkan lan pikobet siosan rikala rahina panyepian patut polih laluputan pengayoman saha kapidabdabin olih prajuru.

PANCA MAS SARGAH
SUKERTA TATA PAWONGAN

Palet 1**Indik Pawiwahan****Pawos 58**

Pawiwahan inggih punika patemoning purusa lawan pradana, malarapan anunggalan kayun sukacita kadulurin antuk upacara manut sastra agama saha pasaksi sekala niskala.

dabdab pawiwahan ring Desa Adat Pande majalaran pamargi kapurusa.
margin pawiwahan wenten papalihan ipun sakadi :

Papadikan.

Ngrangkat utawi ngarorod.

Nyeburin.

(4) Gaguat sang pacang mawiwaha luire :

- ha. Sampun munggah deha wiadin teruna manut undang-undang perkawinan.
- na. Pamargine sangkaning pada tresna asih.
- ca. Yening wenten ngambil jadma sios agama patut kelaksanayang antuk upacara sudiwadani.
- ra. Indik urah-arit upacara sudiwadani, pamargine katunasang ring Jro Bendesa utawi ring PHDI.
- ka. Pamargin pawiwahan patut nganutin sastra agama saha nganutin daging undang-undang perkawinan.

Pawos 59

1) Pawiwahan ring Desa Adat Pande kabawos puput yening :

- ha. Pamargine sampun nganutin pidabdab pawiwahan ring Desa Adat sekadi ring ajeng.
- na. Sampun mawidhiwidahana sanistania mabyakawon.
- ca. Kasaksinin olih Prajuru Adat miwah Prajuru Dinas.
- ra. Sampun munggah ring ilikita Desa Adat miwah prajuru Dinas, saha ilikita sios sane kapatutang manut daging Undang-Undang Perkawinan.

2) Yening wenten warga Desa Adat Pande sane magenah ring dura desa ngawentenang pawiwahan patut mangda masadok saha ngarauhang sewala patra ring prajuru banjar lan prajuru desa.

3) Pawiwahan kabawos tan puput utawi tan sah prade :

- ha. Pamargine papaksaan utawi nenten sangkaning pad arena.
- na. Tan paupasaksi.
- ca. Tan manut kecap sastra agama lan undang-undang perkawinan.

Pawos 60

ata cara parabian ring Desa Adat Pande sakadi ring ring sor :

- 1. Sane pacang ngambil rabi sane meduwe kepututanne mangda mesadok ring prajuru ngenenin pamargin parabiane, perade perabiane pamargine pepadikan.
- 1. pamargin pepadikan madudonan sakadi ring sor :
 - 1. Ngamargiang pasedek.
 - 2. Pakrunan ping kalih luire : pawirasan lan pangambilan.
 - 3. Yening sampun pade tulus kabawosan tur sampun pada anut, kawentenang pamuput ngangge cihna suaran kulkul utawi ngangge cihna siosan manut pamargi sane ketch.

4. Pemargin pawiwahan papadikan kangkat kalaksanayang nenten ngantosang wengi, sakewanten indik suaran kulkul patut kasuarayang ritatkala bebaosan sampun puput.
5. Sane wawu mawiwaha kaangkat medal saking pekarangan ipune, sesampune kekaryanang biyakawon tur mewaneng tigang rahinan (3 hari) saking pawiwahan ipun.
- ca. Prade ngrangkat utawi ngarorod, sang sane ngrangkatang patut nganutin pamargi sakadi ring sor :
 1. Ngamargiang pacelek tan kasepan ring awengi tur kaenter olih prajuru desa utawi banjar.
 2. Ngawentenang pamalaku utawi panglukuan jantos puput maduluran canang pangrawos, sedah lanjaran lan pajati tegap.
- ra. Yening sampun pada tulus utawi kaledangan, wargan sang wadon raris nunas ring prajuru banjar mangda nyuarayabg kulkul banjar makacihna pamargin rangkate sampun puput.
- ka. Pinunas suaran kulkul pamuput wantah kangkat ritatkala sampun puput bebawosan kemargiang, saha kepatutang naur penebus suaran kulkul (sesari pejati) manut perarem.

Pawos 61

- (1) Yening wenten warga kaicalan oka istri, melarapan ngerangkat, sang madruwe kapatutang patut masadok ring prajuru miwah Guru Wisesa saha nunas pitulung pacang masaserep.
- (2) Prajuru wenang ngenterang pamargine maserep mangda nganutin tata kasutreptian desa.

Pawos 62

- (1) Sang lanang nenten patut ngamaduang, sajabaning wenten uwak-uwakan saking sane istri, nganutin undang-undang perkawinan.
- (2) Yening wenten anak mobot nenten melarapan pawiwahan, patut wenten pasadok saking kulawargan sang mobot majeng ring prajuru, ngalantur prajuru mawosin parindikan inucap.
- 3) Prade parindikan punika tan prasida kapuputang olih prajuru patut katurang ring Guru Wisesa sane wenang mawosin.
- Yening wenten sane mamitra ngalang patut punika kapidabdabin kadi ring sor :

- ha. Yan sane mamitra durung alaki rabi, kausahayang mangda digelis
keperabiang.
- na. yan sinalih tunggil utawi sampun alki rabi, patut keni pamidanda manut
pararem tur wicara inucap patut katurang ring Guru Wisesa.
- (1) Prade wenten sinalih tunggil krama utawi warga malsakana drati krama, gamia
gamana, salah timpal muang sapanunggalannia, patut katiwakin pamidanda
manut pararem saha mrayascita desa manut sastra agama. Sang malaksana patut
katur ring Guru Wisesa.

Palet 2

Indik Nyapihan

Pawos 63

- (1) Sang wusan marabian utawi palas tan sida anut satinut alaki rabi kabawos
nyapihan.
- (2) Yan wenten sinalih tunggil krama desa pacang nyapihan kelihan banjar utawi
prajuru desa patut midabdabin mangda wicara punika tan sida lumaksana. Yan
tan prasida olih kelian banjar utawi prajuru Desa ngutsahayang mangda adung
malih, patut kasadokang wicarane ring Guru Wisesa.
- (3) Kelian Banjar lan Prajuru Desa saha dinas, sadurung nyukserahang wicara
inucap ring Guru Wisesa, mangda makarya ilikita indik usaha sane sampun
kapidabdabin.
- (4) Sang pacang nyapihang taler mangda ninutin daging Awig-awig Desa Adat Pande
muang undang-undang perkawinan.

Pawos 64

- (1) Yening wenten krama kabawos malikin somah, santukan sampun ngamargiang
pamargi nyapihang tur sampun kadamyakan ring banjar, krama punika keni
pamidanda manut pararem ring banjar, tur ngemargiang widiwidana.
- (2) Nanging yan sang pecak nyapihan, malih mekayun alaki rabi sasampune sane
istri polih marabian malih sareng anak lanang siosan, tur taler nyapihan, pamargi
punika tan kabawos malikin somah. Sang asapunika patut ngamargiang
pawidhiwidhanan malih sakadi ngawit.

Pawos 65

- (1) Balu istri sane katinggalin seda olih suaminnyane, utawi balu lanang sane pacak
nyapihan, patut ngamargiang swadharma kadi ring sor :

- ha. Ngamanggehang kapatibratan, tan para dara, tan drati krama.
- na. ngamargiang ayah-ayahan krama manut awig-awig lan pararem.
- ca. Ngraksa, nguasayang lan miara sentana, sahanan warisan lan pagunakaya.
- ra. Kengin ngidih sentana yening sampun polih uwak-uwakan saking kulawarga purusa.

- (1) Balu sane kabawos tan pageh ring swadharmaning balu luire :
 - ha. Matingkah drati krama wiadin para dara.
 - na. matilar tan pasadok langkung ring enem sasih.
- (2) Balu sane tan pageh ring swadharmaning balu sakadi inucap ring ajeng, prade kacihnayang manut Tri Pramana salah prawetinniane wenang katundung olih warga kapurusa saha tan polih pah-pahan warisan.
- (3) Prade wenten balu sane nenten madrebe sentana, kemawon pageh ring swadharmaning balu, warga kapurusa tan wenang nundung tan pajalaran. Naler sang balu wenang polih pah-pahan pagunakaya.

Palet 3

Indik Sentana

Pawos 66

- (1) Sane kabawos sentana wenten kalih soroh luire :
 - ha. Pretisentana inggih punika, sentana sane metu saking jalaran pawiwahan sane sah.
 - na. sentana paperasan inggih punika, sentana sane majalaran antuk kaidih olih sang wenang ngidih saha kelanturang upacara paperasan muang upasaksi sepatutnia pamutus saking guru wisesa.
- (2) Dudonan pamargi sang pacang meras sentana kamanggehang sakadi ring sor :
 - ha. Maadungan sareng para warisnia jantos polih uwak-uwakan.
 - na. Masadok ring prajuru sadurung upacara pamerasan punika kalaksanayang tur nunas upasaksi.
 - ca. Ngamargiang upacara pamerasan kapuput olih sang sulinggih tur kasaksinin olih prajuru banjar, prajuru desa adat muang dinas.

Pawos 67

- (1) Paperasan sane kapatutang ring Desa Adat Pande luire :
 - ha. Sampun puput ngelaksanayang upacara pamerasan.
 - na. upacara punika kasaksinin olih prajuru adat lan dinas.

- ca. Sampun munggah ring ilikita.
- 2) Sane patut karajegang sentana luire :
- ha. Mawit saking waris ka purusa, prade tan wenten, kengin saking warga tunggal sanggah utawi merajan, wadon muang lanang siosan.
- na. durung marabian saha durung makrama banjar.
- ca. Warga sane magama Hindu.
- ra. Meras sentana dados langkungan ring adiri, lanang wiadin wadon.
- 3) Sajeroning pamargi meras sentana tan kadadosang ngencak patus.

Pawos 68

- 1) Prade wenten krama Desa Adat Pande ngawaliang sentana sane sampun sah kaperas, wenang krama inucap katiwakan pamidanda manut pararem banjar pamidanda inucap katiba cehep ring banjarnia.
- 2) Mungguing arta brana pamerasan kamanggehang sakadi ring sor :
- ha. Yan sangkaning sang meras ngawaliang sang kaperas sakancan arta brana pamerassannia manggeh katiba ring sane kaperas utawi sang kaidih.
- na. yan pawaline sangkaning pinunas sang pakedih utawi sang kaperas, sahananing arta brana pamerassannia mawali weweg ring sang meras utawi sang ngedih.

Palet 4

Indik Warisan

Pawos 69

- 1) Warisan inggih punika : sahanan tatamian arta brana saha ayah-ayahan ngupadi sukerta sakala niskala saking leluhurnyane arep ring sentanannyane
- 2) Wawu kengin kabawos warisan prade wenten :
- ha. Sang nurunang (pawaris)
- na. keturunan (waris utawi ahli waris).
- ca. Arta brana miwah tategenan utawi ayah-ayahan (warisan).
- 3) Sane sinanggeh warisan luire :
- ha. Duwe tengah makadi palaba pura, pustaka suci.
- na. pamrajan Kemulan.
- ca. Paguna kaya, utang muang piutang.
- 4) Sane kabawos ahli waris inggih :
- ha. Kaping ajeng pretisentana purusa, sentana rajeg sane kaceburin lan sentana paperasan.

- na. papernahan ngunggahang lan ka samping makadi rarama, sarpeton, misan, rarama di misan muah papernahan salanturnyane.
- (5) Sane pacang ngawaris patut kanton ngamanggehang agama Hindu.

Pawos 70

Swadharmaning waris utawi ahli waris :

- 1) Ngamargiang utawi nyeledihi ayah-ayahan pawaris
- 2) nyumakutayang pah-pahan artha brana warisan
- 3) Ngupakara kahyangan mrajan utawi pura amongan pawaris.
- 4) Ngalaksanayang sahanan pitra yadnyan pawaris lan leluhurnyane.
- 5) Nawurin sahanan utang-utang pawaris.

Pawos 71

- 1) Warisan kengin kaepah olih sang patut ngawaris risampun swadharmaning ahli waris jangkep kalaksanayang.
- 2) Pah-pahan warisan patut mangda sadu arep ring sakatah ahli waris.
- 3) Yening tetinggalan guna kaya, pah-pahannyane taler kengin nganutin pasubhayan pawaris sadaweg kanton mahurip.
- 4) Sentana rajeg polih pah-pahan pateh ring pah-pahan sentana purusa.
- 5) Sentana deha tua patut polih pah-pahan sakadi sentana purusa.
- 6) Sane tan patut polih pah-pahan warisan, sakewanten kengin muponin pah-pahan warisan sakadi ring sor :
 - ha. Sang mulih deha, mulih truna riantukan polih nyeburin lan kulawarga pecak kaperas riyantukan polih ninggal kadaton.
 - na. Balu luh muah balu muani sane pecak nyeburin.
- 7) Sinalih tunggil sang ngawaris kadi kecap ring ajeng kengin tan polih pah-pahan prade :
 - ha. Alpaka ring guru rupaka.
 - na. Nilar Agama Hindu.
 - ca. Sentana rajeg kesah mawiwaha, nyentana nyeburin, utawi kesah maperas, soang-soang kabawos ninggal kadaton.
- 8) Pawaris rikala kanton maurip kengin mapaweweh arep ring sentana, pinaka :
 - ha. Jiwa dhana, tadtadan utawi bekel pinaka paweweh leleb ring ipianak sane kesah mawiwaha.
 - na. Pangupa jiwa, paweweh saking pewaris marupa pamupone kemaon.

- ca. Pedum ngemong utawi pedum raksa, pah-pahan waris mangda pastika pawaris arep ring ahli waris.

Pawos 72

- (1) Prade sajeroning pakulawarga wenten sang sane ngawaris langkung ring adiri kapatutang :
- ha. Ngawentenang paigum indik pedum waris inucap.
na. Yening tan prasida igum wenang katunasang ring prajuru desa.
ca. Prade wenten taler tan terima ring panepas prajuru kengin nunasang pamutus ring Guru Wisesa.
- (2) Yan wenten pacang nunas tatimbangan ring Prajuru Desa, prajuru patut nitehin lelintih kala nibakang panepas sane kapatutang sakadi ring sor :
- ha. Sang sane ngawaris saking purusa.
na. Papernahan ka samping.
ra. Yening tan wenten kadi inucap ring ajeng sahanan warisan wiyadin padruwe pewaris kasukserahang ring desa.
- (3) Prade wenten kantos ngepah ayahan desa soang-soang ahli waris patut masadok ring prajuru desa tur sami katedunang ngamargiang ayahan krama ngarep.

SASTHAS SARGAH

WICARA LAN PAMIDANDA

Palet 1

Indik Wicara

Pawos 73

- (1) Sane wenang mawosin makadi mutusang wicara ring desa inggih punika Prajuru Desa sinanggeh Kerta Desa.
- ha. Kelihan Banjar Pande.
na. Bendesa Adat
- (2) Tata dudonan mawosin saha muputang wicara warga desa kadi ring sor :
- ha. Kaping ajeng kabawosin antuk kelihan banjar.
na. Tan cumpu ring panepas Kelihan Banjar, katedunang ring paruman banjar
ca. Tan cumpu ring paruman banjar katunasang ring Bendesa Adat.
ra. Bendesa Adat tan prasida muputang katincapang ring panglingsir sinanggeh kerta desa.
ka. Tan cumpu ring penepas kerta Desa katunasang ring paruman desa, sinanggeh pamuput pamutus ring desa.

Pawos 74

- 1) Sahanan sang mawicara mawiwit kacorahan sakaluire sinanggeh mamurug daging Awig-awig, pasuara miwah pararem Desa utawi banjar, prajuru desa patut digelis mawosin tan nyantos pasadok.
- 2) Sejaba wicara sakadi ring ajeng, patut nyantosang pasadok sang nunas bawos
- 3) Panepas patut pastika nyantenang iwang patut malarapan Tri Pramana (saksi, ilikita, bukti) miwah tan lempas ring Catur Dresta.

Palet 2

Indik Pamidanda

Pawos 75

- 1) Desa utawi Banjar wenang niwakang pamidanda ring warga Desa utawi Banjar sane sisip.
- 2) Paniwak inucap kamargiang olih Bendesa utawi Kelihan Banjar.
- 3) Bacakan pamidanda luire :
 - ha. Ayah-ayahan panukun kasisipan ;
 - na. danda arta (dosa, danda saha panikel-panikelnya miwah panikel-panikel urunan) manut pararem.
 - ca. Rerampagan.
 - ra. Kanorayang.
 - ka. Kawusanang makrama kawaliang pipilnyane.
 - da. Panyanggaskara.
- 4) Agung alit pamidanda sang katiwakin manut ring kesisipan warga.
- 5) Jinah utawi raja brana pamidanda, ngaranjing dados druwe Desa utawi Banjar.

Pawos 76

- 1) Krama sane langkung ring tigang paruman ngalantur tan naur urunan miwah dedandan wenang karampag.
- 2) Rerampagan ngangge tata cara sakadi ring sor :
 - ha. Kalaksanayang olih Prajuru kaserengin antuk krama desa manut pararem.
 - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag.
 - ca. Prajuru miteketang mangda barang-barang sane karampag digelis katebus, masenger kalih sasih ring raine jagi pacang kaadol
 - na. Tan ngenenin saluwir barang sane patut kautamayang manut sastra agama miwah mademang pangupa jiwa sane kerampag.

Pawos 77

Patut sang pacang kamanggih nguwara (ngulungin) pulaksanan inucap marwasta sampun ut ngamutir Awig-awig desa wehing kenorayang.

Semali pat parum ualer ngulungin paridabdad kadi ring ajeng makadang-kadang pesuglepan kancan patinger um wenten pamargi sajawaning kawaliang paliyane (kawusaning makrama).

Pandanda inucap ring ajeng marwasta puput risampun sang kakenin :

1) Nurus gang pangumpura ring Kraja Desa utawi banjar riantukan piwal ring pasubaya (pararem).

2) mawar pangumpun panguwuk pasubaya duk pacang karampag kadulurin pamayustira.

SAPTAMAS SARGAH

NGUWAH – NGUWUHIN AWIG – AWIG

Pawos 78

Nguwuh-nguwuhin Awig-awig Desa puniki kamargiang paruman desa.

Paruman inucap mangda kdasarin antuk pakarsan kraja desa adat yadiastun kamedalang antuk prajuru sinunggal wiadin sinarengan.

Pawos 79

1) Sakeluwiring sane wenten sadurungnya patut kaanutang ring daging Awig-awig puniki kadulurin antuk pararem-pararem.

2) Sakeluwiring sane durung kabawos sajeroning Awig-awig puniki patut kamargiang manut tata cara sane sampun ketah mamargi kadulurin antuk pararem-pararem.

ASTAMAS SARGAH

SAMAPTA

Pawos 80

- 1) Awig-awig puniki kawastanin Awig-awig Desa Adat Pande.
- 2) Awig-awig puniki kamargiang ngawit kaingkupin utawi kararemin.

Pawos 81


- 1) Awig-awig puniki kasungkemin ring paruman duk raine Redite Pon Kulantir pangelong ping 12 sasih kelima, caka warsa 1925 tanggal masehi 23 November

2. Awig-awig panti: kalungguhngan olin Bendesa Adat, Kelian Banjar, Kepala Panti, Kepala Desa, Camat Dawan, pamekas Bupati Klungkung, maka masimung samikukuh.


3. Lant sing ngalingga ngomun

aa. Kapetama Pajuru Desa

Bendesa Adat Pande


A circular official stamp of the Bendesa Adat Pande is visible, partially overlapping a handwritten signature in black ink.

Kelian Banjar Pande

A circular official stamp of the Kelian Banjar Pande is visible, partially overlapping a handwritten signature in black ink.

aa. Kapung kalih Pajuru Desa Dinas

Pajuru Dusun Pande

A circular official stamp of the Pajuru Dusun Pande is visible, partially overlapping a handwritten signature in black ink.

Pajuru Dusun Pande

A circular official stamp of the Pajuru Dusun Pande is visible, partially overlapping a handwritten signature in black ink.

Pajuru Dusun

A circular official stamp of the Pajuru Dusun is visible, partially overlapping a handwritten signature in black ink.

Bupati Klungkung, maka menyerahkan penitikan
Mengemban Telah Disetujui

Bupati
No. 10000

Bupati Klungkung

(L. WAYAN CANDRA, SH.,...)

PANITIA PANYURATAN AWIG-AWIG DESA ADAT PANDE KUSAMBA

PENASEHAT	: 1. BENDESA ADAT PANDE KUSAMBA
	: 2. PENGELINGSIR DESA ADAT PANDE KUSAMBA
K E T U A	: I NYOMAN TUGUR
SEKRETARIS I	: I NYOMAN MEGA ARSANA
SEKRETARIS II	: I WAYAN MUSTIKA
BENDAHARA I	: I WAYAN ARIYADI
BENDAHARA II	: I MADE DIANA

1. BIDANG PALEMAHAN

K E T U A	: I WAYAN SARJANA, SH
SEKRETARIS	: I WAYAN MUSTIKA
ANGGOTA	: 1. I KETUT MUDRA
	2. I MADE SUKARTA
	3. MANGKU TERIMA
	4. I NYOMAN TEDUN
	5. I WAYAN MATARAM
	6. I WAYAN MUDIANA

2. BIDANG PARHYANGAN

K E T U A	: I PUTU SUGIANA
SEKRETARIS	: I NYOMAN MEGA ARSANA
ANGGOTA	: 1. I NYOMAN TUGUR
	2. I MADE DIANA
	3. I NYOMAN TEDUN
	4. MANGKU WIJA
	5. I KETUT WIWARSANA
	6. I KOMANG GEDE INDRAWAN

BIDANG PAWONGAN

K E T U A	: I WAYAN MUDITA
SEKRETARIS	: I WAYAN ARIYADI
ANGGOTA	: 1. I WAYAN WIDIANA
	2. MANGKU BAJRA
	3. I KETUT NATIA
	4. I WAYAN MUDANA
	5. I MADE SUDIANA
	6. I WAYAN WIDIARTA